

BOSNA I HERCEGOVINA

Konkurencijsko vijeće



БОСНА И ХЕРЦЕГОВИНА

Конкуренијски савјет

Zaključak

**o ispravci greške u Rješenju Konkurencijskog vijeća broj: UP-02-26-1-024-12/23 od 20.12.2023
godine**

**Sarajevo
februar, 2024 godine**



Broj: UP-02-26-1-024-17/23
Sarajevo, 08.02.2024 godine

Konkurencijsko vijeće Bosne i Hercegovine (u daljem tekstu: Konkurencijsko vijeće) na osnovu člana 25. stav (1) Zakona o konkurenciji („Službeni glasnik BiH“, br. 48/05, 76/07 i 80/09), i člana 209. Zakona o upravnom postupku Bosne i Hercegovine („Službeni glasnik BiH“, br. 29/02, 12/04, 88/07, 93/09, 41/13 i 53/16), a rješavajući po zahtjevu Privrednog društva za eksploataciju mineralne vode i proizvodnju pića Knjaz Miloš a.d. Arandelovac, Krčevački put 26, 34300 Arandelovac, Republika Srbija, podnesenom putem advokata Olodara Prebanića, za ispravku greške u Rješenju Konkurencijskog vijeća broj: UP-02-26-1-024-12/23 od 20.12.2023 godine, na 2. (drugoj) sjednici održanoj dana 08.02.2024. godine, donosi

Zaključak

o ispravci greške u Rješenju Konkurencijskog vijeća broj: UP-02-26-1-024-12/23 od 20.12.2023 godine

1. Ispravlja se greška u Rješenju Konkurencijskog vijeća broj: UP-02-26-1-024-12/23 od 20.12.2023 godine kojim je Privrednom društvu za eksploataciju mineralne vode i proizvodnju pića Knjaz Miloš a.d. Arandelovac, Krčevački put 26, 34300 Arandelovac, Republika Srbija dopuštena koncentracija na tržištu proizvodnje, distribucije i veleprodaje gaziranih bezalkoholnih pića na teritoriji Bosne i Hercegovine.
2. U obrazloženju Rješenja Konkurencijskog vijeća, tačka 4., tabela 1. umjesto broja “(..)¹..” treba da stoji broj “(..)”. U preostalom dijelu Rješenja Konkurencijskog vijeća ostaje nepromijenjeno.
3. Ovaj zaključak proizvodi pravni učinak od dana od kojeg proizvodi pravni učinak i Rješenje Konkurencijskog vijeća broj: UP-02-26-1-024-12/23 od 20.12.2023 godine.
4. Ovaj Zaključak se prilaže originalu i čini njegov sastavni dio.
5. Ovaj Zaključak bit će objavljen u “Službenom glasniku BiH”, službenim glasilima entiteta i Brčko distrikta Bosne i Hercegovine.

Obrazloženje

Privredno društva za eksploataciju mineralne vode i proizvodnju pića Knjaz Miloš a.d. Arandelovac, Krčevački put 26, 34300 Arandelovac, Republika Srbija (u daljem tekstu: Knjaz Miloš), putem advokata Olodara Prebanića podnijelo je zahtjev Konkurencijskom vijeću za ispravku greške u Rješenju Konkurencijskog vijeća broj: UP-02-26-1-024-12/23 od 20.12.2023 godine kojim je dopuštena koncentracija na tržištu proizvodnje, distribucije i veleprodaje gaziranih bezalkoholnih pića na teritoriji

¹ Podatci predstavljaju poslovnu tajnu u smislu člana 38. Zakona o konkurenciji

Bosne i Hercegovine, navodeći da je u istom pogrešno naznačen prihod Knjaz Miloša u BiH. Zahtjev je zaprimljen dana 28.12.2023 godine pod brojem: UP-02-26-1-024-16/23.

Postupajući po navedenom zahtjevu, Konkurencijsko vijeće je izvršilo uvid u predmet broj: UP-02-26-1-024-1/23 koji se odnosi na podnesenu Prijavu namjere koncentracije od strane Knjaz Miloša kao i u Rješenje broj: UP-02-26-1-024-12/23 od 20.12.2023 godine i utvrdilo da je zahtjev osnovan i da je u predmetnom Rješenju u dijelu koji se odnosi na obrazloženje Rješenja, tačka 4., tabela 1. umjesto broja “(..)..” treba da stoji broj “(..)..”. Ostali dio teksta u Rješenju ostaje nepromijenjen.

Članom 209. stav (1) Zakona o upravnom postupku je predviđeno da organ koji je donio rješenje, odnosno službeno lice koje je potpisalo ili izdalo rješenje, može u svako vrijeme ispraviti greške u imenima ili brojevima, pisanju ili računanju kao i druge očigledne netačnosti u rješenju ili njegovim ovjerenim prepisima. Ispravka greške proizvodi pravni učinak od dana od kojeg proizvodi pravni učinak rješenje koje se ispravlja.

Kako se radi o očiglednoj grešci (štamparska greška) do koje je došlo prilikom izrade rješenja, Konkurencijsko vijeće je odlučilo kao u dispozitivu zaključka, u skladu s članom 209. Zakona o upravnom postupku.

Pouka o pravnom lijeku

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednica

Adisa Begić